



Broj: 04-40-1-208/25
Sarajevo, 28.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 27.07.2025. do 08:30 sati 28.07.2025. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su devet manjih intervencija i to: dvije na gašenju zapaljenog niskog rastinja, dvije tehničke intervencije (jedna na otvaranju lifta, a druga na otvaranju vrata stana) i pet obezbjeđenja (četiri na Međunarodnom aerodromu Sarajevo i jedno obezbjeđenje sportskog događaja).

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 27.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Vizuelnim pregledom stanja na klizištu konstatovano je, da je zbog padavina tokom noći došlo do pojačanog protoka vode na kraju drenažnog kanala, kao i do pojačanog dotoka vode iz pravca deponije. Tlo klizišta je vlažno i trenutno natopljeno vodom. Nisu primjećena veća pogoršanja, niti su uočena značajna odstupanja na površini klizišta.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora.

U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Na deponiji Knjeginjac također je utvrđeno da je tlo vlažno, a sve zbog padavina koje su bile tokom noći. U donjem dijelu deponije gdje stalno prisutno blatnjavo tlo, kao i plavne površine, zabilježeno je pojačano prisustvo dotoka vode, što ukazuje na prekomjerno zadržavanje i pojačanu zasićenost tla vlagom.

Ocjena rizika: Slijeganje deponijskog materijala i erozija usljed atmosferskih uticaja.

3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima.

Nisu evidentirane nove degradacije, niti su poduzete aktivnosti na uklanjanju postojećih prepreka.

Iz pravca Trebevića nema dotoka vode, a korito je suho. Iz obližnje kaptaže prisutan je dotok vode koji se ulijeva u korito. Na potezu od mosta na Boguševcu prema Latinskoj ćupriji protok je nesmetan, bez zastoja. Ugornjem dijelu stanje je nepromijenjeno, uz i dalje prisutna oborena stabla i urušene veće stijene u koritu

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 19°C, vlažnost zraka 76%, barometarski pritisak 935,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a